



Suidwes-Kaap



SUID-AFRIKAANSE WOONWA ASSOSIASIE

NAWEEK IN BEELD

20 –22 Januarie 2023

Oostewal — Langebaan



SAWA Suidwes-Kaap Skimkamp 2023



Ontbyt

Vrugte en roomys

Skimkamp se dinge



Ons eerste kamp is vanjaar by Oostewal. Woensdag voor die kamp kom hierdie foto's op die WhatsAppgroep deur.


Die Steyns en Van den Heevers is al oppad om te gaan kamp.

Vrydagoggend vroeg kry ek, Petrus Theron, die woonwa reg en begin om die bakkie se werkgoed uit te laai. Ons kry later dieoggend 'n oproep om te gaan kyk wat is die probleem met 'n buigmasjien in De Doorns. Die nodige word weer ingelaai en daar gaan ek en Gerhardus, met die gevolg dat ons eers baie laat woonwa gehaak het om Oostewal se rigting te ry. So met die inkom by Langebaan is daar 'n geraas en toe water wat sput. Op 406000 km het die Fordjie 'n waterpyp gebars. Ons wag so 'n ruk en poerpoer tot by ons staanplek. Nou dis hier waar mede SWK Sawanante yster is. Niks is te veel gevra nie. Soos nou word ons gehelp met die woonwa en om dak staan te maak. Hier in die agtergrond bel en whatsapp Niël Goslett al sy kennise in Langebaan vir 'n waterpyp. Eerste stop moet by die vulstasie langsaaan Spar wees. Los alles net so; ons gaan nou eers iets eet by Kokomo. Mens, dit lyk of jy by een van die tropiese eilande is. Dis palmbome, branderplanke, sand op jou voete en die see wat hiervoor sy ding doen. Daar ver het die son al sy kop laat sak; prentjiemooi.

Nou voor dit alles het Ohna Oosthuizen almal welkom geheet en ook die boekeval (nogal in Engels) waargeneem. Ons het dit nou gemis met die bakkie se gesukkel.

Die volgende oggend word daar eers ontbyt gemaak. Na dit kom Louis Havenga en sê ek kan saam met hom ry dan gaan kyk ons vir 'n waterpyp by 'n vulstasie. Ons kom reg met 'n pyp; moet bietjie sny en pas, maar dit kan werk. Terug by die kamp sit ek hom gou in, gooi water en verkoelmiddel by, maar die ding spoeg by die verkoeler se prop uit. Daar's groter fout, sal moet oopmaak en kyk. Danny en Dane le Roux bied aan om my huis toe te sleep, 140km huis toe en 140km terug. Dit word toe gedoen en ek kom terug met die Bloubus.

Waarom behoort jy aan SAWA, aan 'n streek? Sulke goed laat jou klein voel en ek wil vir julle baie dankie sê; in besonder vir Niël, Danny, Dane en Louis. Julle het uit julle pad gegaan om ons te help en my net laat besef dat die ondersteuning in SWK enorm is. Oor die een gaan ons nog lank gesels.





Saterdagoggend vroeg is die ontbytspan al aan die woel. Die heerlike ontbyt kos jou R60 en dit word voor die kamp per whatsapp bestel. Die wins word in die Skimkamp se aankope geploeg en sodoende kan ons die kamp bekostigbaar hou. Dit is ook die grootste kamp op SWK se kalenderjaar. Hierdie is die 4de keer dat die ontbyt so aangebied word. In die verlede het ons van 'n elektriese warmplaat asook gas gebruik gemaak. Weens beurtkrag het ons die naweek 'n proeflopie gedoen met alleenlik gas.



Vandag moes hier eers 'n seremonie plaasvind. Al die groot kanonne is nader geroep.
SAWA Nasionale Voorsitter—Niël Goslett
Gebied Voorsitter—Johan Oosthuizen
SWK Voorsitter—Louis Havenga
Met hulle in plek is Danny le Roux nader geroep.



Chef saluut



Baie geluk Chef Danny.

Nou kan ons ontbyt maak en met sy aanstelling behoort dinge nou baie vining te verloop.

So het ons gedink....

Om so 'n ontbyt voor te sit is nie grappies nie. Vooraf is die resep goed beproef deur Niël en Rozél Goslett en elke bestanddeel is afgeweeg. Dit moet van die beste gehalte wees; kraakvars. Dan kom daar die aankope, die toerusting, interne opleiding en 'n proepaneel (Kobus en Sonja Botha). Die span bestaan uit Niël en Rozél Goslett, Danny en Teresa le Roux, Petrus en Janine Theron en Dane le Roux (het goed gedoen vir sy eerste keer) en iemand moet die geldsake doen; dankie Ohna Oosthuizen.




Met 'n slaai en baie kaas en, o ja, iets groen om kleur te gee..... daar gaan hy....



Van Chef wees is als vergete; nou is hy 'n kosfotograaf.


Volgens Louis is dit al wat hy gekry het. Lyk soos 'n vaal ribvleisie, maar dis toe al die tyd 'n stukkie hout.





Ons moes aanpas by tegnologie en gou is ons geleer hoe werk QR kodes. Koos Oosthuizen sê hy soek dit in woorde op 'n pampier. Ja, Koos, daardie blokkie lyk na Grieks.

Laatmiddag het die wolke saam gepak en het ons die koel lug geniet.





Die son staan stil hier in Langebaan en daar word skaduwee gesoek. Ohna en haar span het vrugte en roomys vir almal reg gehad. Hier word saam gekuier en ek is seker daar was oor die Skimkamp ook gepraat.

Foto's: Andries Viljoen



V
R
U
G
T
E


W
A
A
T
L
E
M
O
E
N

R
O
O
M
Y
S






So deur die loop van die naweek het Eskom ook by ons kom kuier. Mossels op die kole vir 'n voorgereg was al te lekker, dankie Dane. Oral het mense saam gekuier om 'n braaivleisvuur.



Sondag het Ohna vir Janus McDonald voorgestel wat die boodskap vir ons gebring het.

Na die diens het Louis Havenga die voorsitterste waargeneem. Ons hoor van 'n bed wat breek, selfoon in die ablusieblok, pale wat vergeet is, lief en leed en ons volgende kamp. Die vorige Skimkamp is nog vars in ons gedagtes, want dit was op 'n besondere plek. Saam kuier uit die boonste rakke en die seekos ete op die strand. Die kinders wat speel, lag en rondhardloop. Die see was seepglad en iewers was daar 'n skim wat heel naweek vir ons geloer het.






Skimkamp 2022





Skimkamp
2022





Isabel Steyn was ons Skim gewees. So onder ons
neuse het sy vir ons om die bos gelei.





Niël Goslett is aan die woord om meer van die Skimkamp en toer te vertel. Hier en daar het hy 'n paar belangrike goed gesê. Ek weet nie of Danny mooi geluister het nie, want hy het behoorlik Niël se geduld getoets.



Ons gaste van die naweek. Ek hoop julle het die saamkamp met SWK geniet en dat ons julle gou weer gaan sien.

Nuwe lid vir SAWA in streek Suidwes-Kaap




Baie welkom Babette Nel. So met die intragslag is jy ook welkom geheet as 'n Loerie



Antionette en Hugo McDonald
10 Streek



Elsabe en Louis Havenga
75 Algemeen



Louise en Dennis Mitchell
300 Streek

Baie geluk!

Bollie blad



Ja, my naweek was maar deurmekaar gewees. Louis kom na my toe en vra of ek nie wil bel nie. Wat se vraag is dit nou. Ja, ek het my selfoon in die Kleinhuisie vergeet. Gelukkig het Tommie Jones dit daar gekry. Dankie manne.



Marietté van der Vyver het glo haar bed gebreek.
Klink my iemand weet meer van die storie as ek.



Babetta Nel, jy begin jou lidmaatskap met 'n toiletplaatjie. Het glo van haar tentpale vergeet.

Lag maar lekker, volgende keer is jy dalk op die bollie blad.

***Ons volgende kamp is by.....SKIMKAMP! 17—19 Februarie 2023**

*Bestuurslid verantwoordelik: Louis Havenga en Skimkampspan

*Foto's geneem deur Petrus tensy anders aangedui. Dankie vir die foto-bydraes.

..Stuur gerus van jul foto's vir my, na 'n kamp.

*Kommentaar is altyd welkom. Epos: theron.pj@mweb.co.za

*Petro Steyn, baie dankie vir jou hulp.

Petrus Theron

